

**CONVOCATORIA DE AXUDAS A PEMES, AUTÓNOMOS, ASOCIACIÓNS E FUNDACIÓNS
DE GALICIA PARA O FINANCIAMENTO DE ACTUACIÓNS DESTINADAS Á PREPARACIÓN
PARA A REUTILIZACIÓN E RECICLADO DE RESIDUOS TÉXTILES RECOLLIDOS
SEPARADAMENTE (CÓDIGO DE PROCEDEMENTO MT975L)**

A Consellería de Medio Ambiente, Territorio e Vivenda lanza unha convocatoria de axudas a pequenas e medianas empresas, autónomos, asociacións e fundacións de Galicia para o financiamento de actuacións de preparación para a reutilización e reciclado de residuos téxtiles recollidos separadamente.

Facendo unha análise sobre a cantidade total de residuos téxtiles producidos en Galicia no ano 2019, tanto de orixe industrial como municipal, conclúese que das aproximadamente 52.000 toneladas de residuos téxtiles producidas, unicamente o 13% procedían da recollida separada. Ademais, centrando a análise no tipo de tratamento recibido por estes residuos constátase que, o 72% destinouse a valorización enerxética, o 17% a depósito en vertedoiro e unicamente o 11% foi tratado por xestores de valorización intermedia, xa que en Galicia, na actualidade, non se dispón de ningunha instalación de valorización final.

Tendo en conta as competencias asumidas por este departamento a presente convocatoria vai destinada a apoiar ás empresas na procura de respostas aos retos e oportunidades asociadas á innovación ambiental, a fomentar a realización por parte das empresas de actuacións e investimentos encamiñados, con carácter prioritario, á prevención, protección, mellora e coñecemento ambiental, prestando a súa colaboración económica aos proxectos realizados polo sector empresarial galego en materia de xestión dos recursos e dos residuos.

Por todo elo, e tendo en conta as futuras obrigacións de recollida separada de residuos téxtiles que virán impostas, será necesario por parte da Administración, impulsar a implantación deste servizo e ao mesmo tempo, incentivar a creación de plantas de valorización final no noso territorio.

A tal fin serán obxecto de financiamento ao abeiro da presente convocatoria os proxectos destinados á implantación de medidas de xestión dos residuos domésticos conforme ao esquema de prioridades e ao principio de xerarquía aplicable en materia de residuos.

Cómpre sinalar que con data do 14 de abril de 2021 aprobáronse, na Conferencia Sectorial de Medio Ambiente, as bases reguladoras das subvencións que deben convocar as Comunidades Autónomas e o reparto propiamente dito das axudas previstas para o Plan de Apoio á implantación da normativa de residuos, Programa de Economía Circular e PIMA residuos, polo que serán susceptibles de englobarse aquí actuacións destinadas a:

- a) Construción de novas instalacións de preparación para a reutilización e reciclaxe de residuos recollidos separadamente.
- b) Construción de instalacións de reciclaxe de residuos téxtiles recollidos separadamente.

As axudas obxecto desta orde estarán cofinanciadas polo fondo europeo relativo ao Mecanismo de Recuperación e Resiliencia da UE no marco do Plan de Recuperación, Transformación e Resiliencia- Financiado pola Unión Europea-NextGenerationEU e se procede a súa convocatoria en réxime de **concurrency competitiva** por anticipado de gasto para os anos 2022-2023.

O financiamento máximo outorgado para as actuacións reguladas nesta orde de axudas non excederá o 90% do custo total do proxecto. A porcentaxe restante, será asumida polo beneficiario/a.

BENEFICIARIOS

1. Con carácter xeral, poderán ser beneficiarias destas axudas as pequenas e medianas empresas (pemes) (consultar artigo 2.1 das bases reguladoras).
2. Tamén poderán ser beneficiarias agrupacións de persoas físicas ou xurídicas, comunidades de bens ou calquera outro tipo de unidade económica ou patrimonio separado (consultar artigo 2.2 das bases reguladoras).

LIÑAS SUBVENCIONABLES

Liña 1. Proxectos de construción de novas instalacións de preparación para a reutilización de residuos téxtiles (roupa, calzado, accesorios de vestimenta, roupa do fogar e similares) así como de ampliación das existentes para incluír liñas de preparación para reutilización de residuos téxtiles recollidos separadamente.

Liña 2. Proxectos de construción de instalacións de reciclaxe de residuos téxtiles (roupa, calzado, accesorios de vestimenta, roupa do fogar e similares) recollidos separadamente.

Unha empresa **non pode concorrer** á convocatoria de maneira simultánea e para a mesma actuación de maneira individual e a través dunha agrupación na que se integre.

Unha empresa **pode concorrer** ás dúas liñas subvencionables pero deberá presentar unha solicitude para cada unha das liñas subvencionables, de ser o caso.

ACTUACIÓNS SUBVENCIONABLES

Serán subvencionables ao abeiro desta liña os proxectos **bianuais** que se executen durante as anualidades **2022 e 2023**, e que teñan por obxecto:

Liña 1. Proxectos de construción de novas instalacións de preparación para a reutilización de residuos téxtiles (roupa, calzado, accesorios de vestimenta, roupa do fogar e similares) así como de ampliación das existentes para incluír liñas de preparación para reutilización de residuos téxtiles recollidos separadamente

✓ A construción da instalación dedicada á preparación para a reutilización, incluíndo zona de almacenaxe e superficie destinada á venda dos produtos recuperados. O financiamento limitarase aos conceptos mínimos para un adecuado funcionamento da instalación, e o proxecto cumprirá con todos os requisitos que a normativa sectorial poida impoñer a estas instalacións. Non se inclúen instalacións auxiliares, como oficinas.

✓ Os elementos de almacenamento adecuado tanto para os residuos recibidos como para os produtos recuperados, como gaiolas, andeis ou armarios.

✓ A maquinaria e ferramentas necesarias para desenvolver os traballos de preparación para a reutilización. Non se inclúe neste concepto material funxible ou outro tipo de

maquinaria e ferramentas que non sexan necesarias para o desenvolvemento da actividade.

- ✓ Formación para os traballadores da instalación.
- ✓ Campaña de comunicación, unha vez terminada a instalación e dirixida a concienciar á poboación próxima da entrega de residuos para a súa preparación para a reutilización.
- ✓ A adquisición de software e hardware para o control e a rastrexabilidade tanto dos residuos recibidos e xerados, como dos produtos recuperados.

Financiaranse tanto construción de novas instalacións dentro do territorio da Comunidade Autónoma como a ampliación das xa existentes para incluír preparación para a reutilización.

Liña 2. Proxectos de construción de instalacións de reciclaxe de residuos téxtiles (roupa, calzado, accesorios de vestimenta, roupa do fogar e similares) recollidos separadamente.

- A construción da instalación (incluída adecuación do terreo) dedicada á reciclaxe dos residuos téxtiles, incluíndo as zonas de almacenamento. Non se inclúen as instalacións auxiliares (como oficinas, almacéns para maquinaria, etc).
- A maquinaria e ferramentas estritamente necesarias para o proceso de reciclaxe, incluíndo aquela necesaria para a clasificación dos residuos téxtiles, o seu tratamento mecánico (bobinado, corte, etc.) ou tratamento fisicoquímico (incluídos procesos térmicos). Non se inclúe neste concepto o material funxible ou outro tipo de maquinaria e ferramentas que non sexan estritamente necesarias para a reciclaxe dos residuos téxtiles.
- Instalacións ou elementos para o almacenamento tanto dos residuos téxtiles obxecto de tratamento como dos materiais obtidos tras o proceso de reciclaxe.

Non se financiará a construción de instalacións que teñan por obxecto outros tratamentos distintos da reciclaxe dos residuos téxtiles.

RÉXIME DAS AXUDAS

Liña 1. As axudas establecidas nesta liña están sometidas ao réxime de *minimis* nos termos establecidos no artigo 3 do Regulamento (UE) 1407/2013 da Comisión, do 18 de decembro de 2013.

Liña 2. As axudas establecidas nesta liña están sometidas ao disposto no Regulamento (UE) nº 651/2014 da Comisión, do 17 de xuño de 2014, polo que se declaran determinadas categorías de axudas compatibles co mercado interior en aplicación dos artigos 107 e 108 do Tratado de funcionamento da Unión Europea, concretamente no artigo 36 do mesmo, onde se indica que as axudas á inversión que permitan ás empresas ir máis alá das normas da Unión en materia de protección medioambiental ou incrementar o nivel de protección medioambiental en ausencia de normas da Unión, serán compatibles co mercado interior a tenor do artigo 107, apartado 3 do Tratado.

CONTÍA DAS AXUDAS

Importes máximos por liña de subvención:

- a) **Liña 1.** A contía subvencionable será o 60% do custo total subvencionable do proxecto, con un importe máximo de 80.000 €
- b) **Liña 2.** A contía subvencionable será o 45% do custo total subvencionable do proxecto.

SOLICITUDES E PRAZO DE PRESENTACIÓN

A presentación das solicitudes realizarase unicamente por medios electrónicos a través do formulario electrónico normalizado MT975L, accesible desde a sede electrónica da Xunta de Galicia, <https://sede.xunta.gal/portada>

O prazo de presentación de solicitudes abrangue desde o día seguinte ao da publicación desta resolución no DOG ata o 31 de xaneiro de 2022, ambos incluídos.

PRAZO DE EXECUCIÓN E DE XUSTIFICACIÓN DOS PROXECTOS

➤ O período subvencionable será, con carácter xeral, o comprendido entre o 1 de xaneiro de 2022 e o 30 de novembro de 2023, ambos incluídos, se ben condicionado ao

exercicio orzamentario ao que se queira imputar e tendo en conta as datas límite para a súa xustificación segundo o sinalado neste mesmo artigo.

- Non serán subvencionables os proxectos concluídos materialmente na data de presentación da solicitude.
- No caso das actuacións comprendidas na liña 2, a actividade non pode estar iniciada antes da data da solicitude da empresa.
- A data límite para xustificar cada anualidade do proxecto e presentar a documentación xustificativa dos investimentos será:
 - a) o 30 de novembro de 2022 para os proxectos que se imputen ao orzamento correspondente á anualidade de 2022.
 - b) o 30 de novembro de 2023 para os proxectos que se imputen ao orzamento correspondente á anualidade 2023.

INFORMACIÓN E CONSULTAS

https://www.xunta.gal/dog/Publicados/2020/20200513/AnuncioG0532-050520-0001_gl.pdf <https://sirga.xunta.gal/convocatoria-2020-21>

Enderezo para requirir máis información: axudas.cmaot@xunta.gal